

^ 16
3298
8



冊八拾
號九文
函九

門八16
號3298
卷8

帶經堂集卷五十七

歙門人程哲校編

晉蠅尾續詩三 南海集下

南海神祠

茫茫百粵間衆水歸扶胥下
滙波羅江日夜相灌輸
嗟我兩虎門衛此陽侯居
神宮壓滄溟潮汐在階除
我駕萬斛舟乘風但斯須
飛廉送旌麾龍伯為前驅
百靈何蜿蜒穹龜與長魚
將命肅牲醴來格神所愉
振衣浴日亭遙見三足鳥
咫尺躡樊桐臨見彼天帝都



新城 正貽上



登浴日亭

乘槎興不盡復欲帆去南溟夕次扶胥口朝登浴
日亭島夷紛破碎天水倒空青一望窮寒廓真看
小洞庭

使院懷幼華都諫

項以典試使
粵亦居此院

春半炎州苦煩熱清晨初試葛衣涼懷人二月小
寒食照眼一枝紅佛桑定有新詩千首富都無寶
劍百金裝我來君去如瓜代極目天南少鴈行

與元孝

蒲衣方回王顧諸子集光孝寺

寺舊曰名虞姑
虞叻曲日故宅

一鳥鳴灌木招提春雨餘偶來方外遊踪跡似閒
居清池浮水薤碧藻躍文魚輕颺散訶林葵樹交
扶疎灼灼佛桑花紅豔驚珊瑚緬追昔賢迹俯仰
懷赤烏孝廉自英雄江左盛文儒魯周闡外寄張
顧府中趨如何虞仲翔獨此悲向隅青蠅為弔客
千載同歎歎

菩提壇

一花五葉後此樹留孤根枝條徧震旦老榦無冬
春我來瘴海遊入此甘露門秦松與漢栢瑣細皆
兒孫清池澹疎雨妙義聞風旛菩提本無樹更與

智者論

五羊觀

仙人騎五羊傳聞萃於此仙去羊獨留片石母乃是臧穀兩俱亡寢訛亦相似安得王初平重來叱之起

洞庭表罽園

蒲衣遊海幢寺遂至

海珠寺

扶胥潮未落白艷上輕艫高閣諸天外層城一水涯春江沙步雨古寺木綿花珠石中流是延緣路未賒

蒲澗寺贈范公

我來蒲澗上菖蒲方紫葑水流危石底雲出半山
中布席枕榔樹吹衣荔子風還將鐵如意日暮對
支公

濂泉寺

閑隨綠蘿去忽與碧谿逢水石微通徑煙霞獨倚
筇寺門編笏竹磴道入雲松尚憶安期子青天跨
白龍

登粵秀山

越王古臺上春暮復登臨割據無秦漢滄江自古

今風吹鼇背雨日射虎門陰欲問呼鸞道荒涼蔓
草深

歌舞岡

歌舞岡前輦路微昌華故苑想依稀劉郎去作降
王長斜日紅綿作絮飛

廣州竹枝六首

潮來濠畔市接江波魚藻門邊淨綺羅兩岬畫欄
紅照水蜃船齊唱木魚歌
海珠石上柳陰濃隊隊龍舟出浪中一抹斜陽照
金碧齊將孔翠作船篷

梅花已近小春開朱槿紅桃次第催杏李枇杷都
上市玉盤三月有楊梅

佛桑花下小迴廊曲院深深牡蠣牆細熱海沈銀
葉火金籠倒挂試收香

鬢雲盤髻簇宮鴉一線紅潮枕畔斜夜半髮香人
夢醒銀絲開遍素馨花

才到花朝似夏闌雨紗霧縠間冰紋洋船新買紅
鸚鵡却苦羊城特地寒

詠蕃劍贈客

蕃劍來何處知從海舶長當軒秋水色脫匣列星

行鋒使箠笊折神應魑魅藏倘逢暴公子櫛具有
輝光

詠長壽寺英石

石黃色如蜜珀
狀亦奇物也

愛此招提石鏗如哀玉彈晴天起雲霧遠勢出峰
巒池上潮新長池與江
通潮汐窓中蘚故寒悠然謝袍笏一
日百迴看

登六榕寺浮圖

舊名寶
莊嚴寺

六榕不可見地以大蘇名白社無人到蒼苔滿院
生塔窮炎海目山擁粵王城欲假南溟翼扶搖詠
上征

與諸公約遊小金山

靈峰名最古亦有妙高臺拳石浮空闊滄波足溯
洄德雲何日去坡老記重來更約三生話輕風引
渡杯

偽漢劉龔冢歌

紇干山雀凍欲死朱五經兒作天子紛紛負販皆
侯王山牛兔絲粵中起中原頽洞久風塵遂使庸
奴竊邊鄙黃屋左纛歷四世坐斥洛州為刺史昭
陽溝水流真珠論車却笑燒沈水金銀當日錮三
泉帶劍上陵嗟已矣苦將肖像擬休屠金齏玉魚

三十三
誰料理茂陵甲帳出人間況爾區區安足齒驪山
地市竟如何銀海茫茫同一軌

大將軍孝揚弟餞別海幢寺即席有詩賦答
元戎小隊到禪扉蹋閣攀林興不違賦似江淹頻
惜別人如楚客送將歸貝多樹下花沾席璵璠潮
邊雨濺衣最是斑駁留不得陸郎行處正芳菲

別端孩

者舊海南偏相思二十年來攀貝多樹別負荔支
天江晚饒芳草山春有杜鵑別離無限思都付
人船

羚羊峽

逆流入西江已闖高峽中何年神羊跡靈輿開鴻
濛離江挾牂柯日夜來向東怒流會端州奔湊朝
祝融萬仞束洪濤大哉造化功龍從雲雷窟黯澹
蛟鼉宮更聞溪中石價與瑤琨同當年貢天家千
指勞人工鼈行九地底下與水府通微軀一不戒
崩墜誰能窮尤物古所歎念此心忡忡

羚羊山寺

古寺四月中尚有木綿花殷紅照羚羊苔壁何紛
葩下有東江亭俯臨硯洲沙牂柯萬里來遠勢如

三子李二
修蛇高峽扼其衝天險逾褒斜寺當兩峽口石徑
交哈呀紅泉尚分飛竹筧通坳窪西望端州城七
星莽周遮明當陟其巔舉手搴匏瓜

沈佺期矜山寺賦云
中有紅泉分飛碧石嶺

七星巖石室

北斗森魁杓何年化為石散落南斗旁光芒色相
射遙填端州城七峰張幕帟崧臺屹中央晻靄仙
靈宅天帝觴百神於茲互主客巖竇鳴鼓鐘石乳
亂矛戟往往鳥獸形竒譎蕩精魄其旁兩洞天餘
衍幾年闢水聲暗澎湃時有蜿蜒跡云此龍所宮
終古雲霧積沉沉抱珠睡五嶺慳雨澤吾欲割其

耳雨工起鞭策坐使瀝湖盈乘流挂帆席

時早甚
瀝湖竭

題崧臺

石室崧臺儼畫圖百神觴罷散清都七峰處處供
人眼莫笑淹留類賈胡

上屏風巖磴道未及霄關而返

暮登扶嘯臺欲問含珠徑山月出未高羣峰忽已
暝清露滴生衣孤松偃危磴何處仰霄關雲中一
聲磬

登闕江樓二首

水自蒼梧下山將荔浦連潮增炎海漲春入夜郎

天樓閣凌空起雲峰壓座偏不因衝瘴癘誰見此
山川

七星橫北郭南抱閩江樓龍氣千山雨牂牁萬里
流島夷新市舶節鎮古交州好記須陵望他年賦

壯遊

山海經鬱水出象郡入須陵
東南即此水也時海禁初開

端州別魏昭士因寄和公於廣州

人生如萍蓬飄轉少根蒂況復出處殊合并安可
計我夢翠微峰岩堯在天際幽人侶猿鶴石門掩
松桂詎意萬里遊相見炎海裔世事苦匆匆傾蓋
忽分袂我攀庾嶺松君鮑珠江荔阿戎共扁舟崧

臺暫流憩良會那能常宿昔紛鼓柂滇水方南
離江復東逝中宿潮不來何由慰迢遞

三水月夜別陳閔孝程燕思

碧天月晶晶江水風蕭蕭明發一為別孤踪千里
遙梅關稀見鴈中宿不通潮好寄相思子他時慰
寂寥

重遊飛來寺

我昨遊飛來乃自東峰始得隴復望蜀夢落西峰
裏歸棹粵江潏煙雨孤篷底菩提解迎客一笑呼
屐齒繚繞曲棧危宛與蜀道似數折得石壁萬笏

摩空起如刀如步欄神工信竒詭西巖隱飛瀑迸
罅流石髓鳥啼脩脩竹花覆濛濛水平生禽尚志
歎息吾衰矣笑問白足僧胡為羨衣紫

黃石磯夜雨

春枕夢忽破決溜鳴篷窓驚雷碾陰峽急雨縱奔
瀧新涼卧桃笙遠夢生楓江起坐祝媪龍添波送
歸艤

大廟峽

夜泊黃石磯急雨如萬弩朝過大廟峽怪石蹲渴
虎靈祠出叢薄飛甍粲可數美人珥明璫侍者拾

翠羽春蘭與秋菊無絕此終古落帆薦溪毛蘋花
媚中渚神光乍陰陽朝雲無處所欲去更徊徘徊
榔颿飛雨

大廟峽寄黃庭表太史

自清遠至湏
陽亦曰三峽

出峽復入峽舟行多苦辛青山巒徼外黃帽越溪
濱迢遞經寒雪飄零惜好春佛桑花下酒應憶北
歸人

十五夜峽口對月寄廣州諸故人

峽口今宵月其如客思何離離見珠斗穆穆展金
波故壘餘蕭勃殘山弔尉佗蜺江猶一水相望似

秋河

雨入滇陽峽

野泊開頭早重陰入峽寒側過釣魚石逆上牯牛
灘雨逼驚瀧失雲從大壑看十年經劍閣轉見路
行難

滇陽峽

峭帆入臯石絕壁太古色山川方出雲白日轉昏
黑浩浩一水逝蒼蒼兩岸逼雄雷地中奮坤軸倏
傾仄十步一盤渦下視窈難測云中穴蛟蜃呀呷
擇人食牯牛名灘尤險絕艱虞萬夫力石棧緣秋臺

百丈牽江直慘慘鷓鴣啼猿猴不遑息尚憶符

州名錫架閣擬巴越事往逾百年遺踪半湮泐陵谷

一俯仰感歎情何極

歸度大庾嶺

大庾連橫浦艱難此再經鬢從五嶺白山入百蠻
青嶠水流炎海榕陰數上驛亭今宵望南斗漸遠
使臣星

抵南安

嶺南已負荔支天橫浦重過意惘然暫借谿樓看
山色蠟花如雪寺門前南安人以蠟樹為業彌望皆是

舟入雙牌峽

橫浦雲陰薄晨光翳碧虛江邊寒進艇峽口靜攤
書幔捲時來燕溪清獨羨魚萍浮任流轉踪迹似
閒居

贛州別鴈水

與君暫相見揮手古虔州孤棹山俱遠雙江水亂
流急灘穿詰曲深竹叫鈎輶離別兼羈旅中宵感
白頭

新淦道中懷門人林公韞兼寄丁鴈水

七載相思木蘭道那知相見鬱孤臺江湖瀕洞扁
舟遠賓主東南一代才伏雨闌風朝復暮滄波白
鳥去還來三洲不共窪樽飲懷抱何因得好開

豐城曲江亭

磯山高百尺磯下曲江流芳杜蕭蕭暮金花歲歲
秋金花潭青峰相嫵媚白鳥自滄洲已矣干將氣宵分
望斗牛

吳城登望湖亭寄周南康星公

東南臨眺美何如信有孤亭切太虛極浦長風生
左蠡畫簾清晝對匡廬九江潮汐迎人遠五老鬢
眉見面初明日玉淵潭上酒共看飛瀑駐籃輿

鄱陽湖舟中望廬山

月明出彭蠡照見南康城向夕滄波闊羣峰煙霧
生杖藜訪匡續沽酒酌泉明誰識高歌意臨流自
濯纓

與豹人星公往白鹿洞次迴流山

廬山何高高白雲在山腹倏忽縈山椒亦或帶山
足上下無定姿頃刻屢移矚山徑不逢人樵歌出
深谷何處遞松聲風泉滿林麓

初入五老峰謁白鹿洞呈湯佐平先生

忽忽遠城市浩浩臨滄洲良辰愜竒賞始遂廬山
遊威紆屢轉壑窈窕時經邱潺潺風瀑瀉蒼蒼石
川流騎牛緬往迹眠鹿欽前修風景宛猶昔年運
條已適唯有五老峰屹立忘春秋紫芝驚漢帝黃
石招留侯泉石不我遐桂樹生山幽

自白鹿洞至三峽澗

溪行少阡術沿洄屢迷津馬蹄怯危石欲下還逡
巡出谷見稻畦煙火自成鄰日午聞雞啼衰徑見
遺薪薜荔衣怪樹山風恐行人舉首五老峰白雲
如魚鱗遙青遞隱現光景相鮮新望望玉峽亭聊
可垂吾綸

三峽橋

五里間瀑聲轟轟若車千兩谿迴見飛梁穹若虹百
丈衆流會三峽峽門扼其吭建瓴沸驚湍排空削
層嶂石激水斯怒水橫去石逾壯水石終古爭怪
竒紛萬狀日射金井潭濺沫出橋上日光散青紅
雨絲亂飄颺絕境遇兩蘇何人繼高唱

玉淵潭

已歷三峽橋更訪玉淵水水流大壑中路轉層松
裏片石橫百仞其右平如砥九十九飛瀑一門爭
萬軌窄窄直要衝跳盪不得止雪浪如車輪凸凹
忽奔駛激射為深潭神物潛尺咫夜黑風雨來鱣
鮪皆避徙久立凜毛髮薄雲漏餘晷西眺石人峰
梵唄空中起

栖賢寺

李渤讀書處乃在栖賢谷何年作招提來尋愜幽
獨僧舍如蜂房高下傳山麓雲來漢陽峰時就簷
下宿古寺無所有修竹間喬木野衲喜客來欣然
設茗粥便欲置草堂巖栖於此卜

彭蠡守風送豹人往南昌

茫茫彭蠡雨漠漠匡山雲雨帶孤帆去雲將別緒

三十一
紛蛟龍深自喜牛馬望難分三峽橋邊水扶筇昨
共聞

萬杉寺

朝過玉京山緬想陶公里谿迴得寺門曲折杉松
裏雨中念佛鳥交語清人耳風吹修竹林下有寒
泉水

開先瀑布

神龍擘空冥颯沓雙峽開青天露鱗甲白晝行風
雷峽逼不得逞掉尾揚其頰千仞忽開豁下有布
水臺嘗聞龍奮迅三昧何雄哉誰能一鉢盛終古

相喧匝夜來雷雨怒大石為崩摧龍遊引九子煙
霧紛徘徊偉矣南宮書薛上有米元章大字破壁鑿崔嵬有語不
敢吐以俟冠古才

開先寺贈顯公

古寺昇元舊興亡感至今晴天雙瀑下急雨萬松
深但有龍聽法何須地布金琴高不可即陰峽畏

登臨

蘇公開先漱玉亭詩
欲從琴高生云云

招隱橋

萬仞黃巖瀑流過招隱橋長松吹細雨水石共瀟
瀟

萬竹亭

宋守樓
构命名

大竹如盆盎森梢覆古巖試嘗甜苦筍亭上脫春衫

佛印松

印公手植松挺若舟千斛山空孤月明傳聲亂飛瀑

南唐元宗讀書臺

猶存讀書臺不見昇元閣寂寂青桂花巖間自開落

青玉峽

廬南萬古峽常有野雲封朝來雷雨過白日下飛龍

聰明泉

手掬聰明泉一滴大海味不逢桑苧翁知希我方貴

王文成紀功碑

文成摩厓碑其字大如手萬古一浯溪光芒同不朽

寄題三疊泉

坡公賦廬山選勝僅取二開先與三峽雙瀑誰軒

輕此遊兩經行竒觀偶然遂遺恨三疊泉扶筇未
一至譬如禽慶遊五嶽得其四他年謝羈鞅更擬
探靈闕一削陸羽經別續廬山記

大孤山

宮亭湖上好煙鬟倭鬢初成玉鏡閑霧閣雲窓不
留客蘋花香裏過鞋山

石鐘山

蘇公遊賞後餘韻石鐘山水石長如此行人自不
閑鶴巢丹壁上魚鬪翠微間安得乘明月扁舟數
往還

小孤山守風

已過落星石前臨大雷岸水宿淹期程日暮中流
半統統戍鼓鳴蕭蕭水禽散愁對小姑祠靈風送
波瀾

彭澤雨泊有懷陶公

陶公令彭澤柴桑一舍耳猶對匡廬山共飲西江
水一朝悟昨非扁舟歸栗里笑指故山雲吾心亦
如此我來彭澤縣秫田沒沙背急雨送寒潮三歎
顏延誅

即事二絕句

吳頭楚尾浪花麤終日彭郎對小姑楊葉洲邊望
煙火江南江北雨糝糊

往來不見馬當船三日蘆中少爨煙東望皖公才
百里金陵難似上青天

江上看晚霞三首

彭澤縣前風倒吹三朝休怨峭帆遲餘霞散綺澄
江練滿眼青山小謝詩

白浪空江斷去人連朝風色起青蘋小孤山外紅
霞影定子當筵別是春

瀟瀟寒雨暗潯陽日日江潮過馬當東望滄溟天

萬里乘風欲度赤城梁

過馬當

魯望亭前水拍天青山缺處有人煙煙波不見天
隨子時有僧舟乞施錢

皖城懷古四首

憶昨經過射蛟浦今朝還望盛唐山大江日夜流
如昔武帝雄風去不還天馬蒲桃空塞外飛廉桂
館自人間茂陵抔土秋風裏玉女何曾解駐顏
龍舟曾颺錦帆風回首淮南事不同降郢已聞營
汴上皖公猶自落杯中豫章一去歸何日廬阜重

來隱未終苦憶舒州徐騎省江湖東下雨濛濛
清水塘邊余闕祠雲霄浩氣凜鬚眉英姿颯爽猶
橫槊古砌荒涼只斷碑鶴化千年非故國雞鳴十
廟不同時皖江便是田橫島義士悲歌為涕洟
羅刹磯頭落日懸侍中遺跡至今傳楚纍有恨沈
魚腹蜀魄何心化杜鵑家國幾看陵谷變江山猶
痛革除年青溪血影留遺石巾幗還應愧世賢

泊夏家口二首

亭
秋浦猿聲夜孤舟客乍聽星星見漁火已到卸帆

山
已近梅根冶江流更幾灣明朝風日好應見九華

曉望銅官山

空江寒月落坐失九華峰回頭望秋浦何處九芙蓉
曉日銅官上洩雲連五松碧雞好羽毛安得一
相從

荻港

荻港東來指赭圻估帆停處一鷗飛大江小汊縱
橫入葦岸藤灣遠近圍勝地不留逋客住暮潮閑
送夕陽歸黃公戰處今殘壘憑眺休登板子磯

板子磯

板子磯前路風帆之字行紅花將翠篠的的可憐

生

石上紅花低照水山頭翠篠細
含煙楊蕊齋題板子磯詩句

三山磯

澄江日夕淨歸鳥投前浦明霞散淪漪輕颺澹容
與南臨春穀溪北眺濡須塢何處是三山沙頭駐
鳴櫓

螺磯靈澤夫人祠二首

白帝江聲尚入吳靈祠片石倚江孤魂歸若過劉
郎浦還記明珠步障無

霸氣江東久寂寥永安宮殿莽蕭蕭都將家國無
窮恨分付潯陽上下潮

江行望識舟亭

鳩茲北面識舟亭天際歸帆望杳冥松竹陰中孤
塔白樓臺餓處數峰青赭山人去生春草江水潮
迴沒舊汀更憶于湖翫鞭迹吳波不動客揚舲

天門山歌

亦曰蛾眉山

昨過蛾眉洲今到蛾眉山楚江東來似明鏡雙眉
日日相彎環江水東流浸明月月上山頭更清發
若教寫作十眉圖橫雲却月俱奇絕太白昔日賦

三十七
天門謫仙風流今尚存文漪搖曳緒颺起落霞卷
舒嵐氣昏自笑一生湖海客半載浮家仍泛宅夜
涼星斗正闌干欲上山頭呼太白

天門山夜泊

萬里孤舟泊今過博望山勝遊非夢到絕域此生
還列宿垂江闊疎螢點鬚斑宵分望明月歸思折
刀環

牛渚望青山

峰色如橫黛江光似熨羅昔人行樂地今日復來
過小謝青山宅桓公白紵歌近白紵山他年尋菌閣終向

此巖阿

采石太白樓觀蕭尺木畫壁歌

落帆向牛渚直上太白樓錦袍烏帽太瀟灑迴看
四壁風颼颼蕭生何年畫此雪色壁峰巒出沒煙
嵐稠元氣淋漓真宰如江湖瀕洞蛟龍愁吳觀越
觀上海日蒼煙九點橫齊州祝融諸峰配朱鳥瀟
湘洞庭放遠遊峨眉雪照巫峽水匡廬瀑下彭湖
流須臾使我行萬里瞥如怒隼凌清秋我生海隅
近岱畎西游曾上瞿唐舟昨登五老弄瀑布却臨
三峽窺龍湫七十二峰身未到蒼梧已略天南頭

太白遊踪徧四海晚愛青山采石聊淹留丈夫當
為黃鵠舉下視燕雀徒啁啾

太白祠

白也祠堂在前臨牛渚磯風流映江左山水尚清
暉小謝東田近開元舊事非姑溪好風日遊子亦
忘歸

然犀亭

不是溫忠武誰堪第一流飛書先赴難洒淚獨登
舟赤幘驚幽渚黃旗指石頭孤亭臨玉鏡浙浙荻
蘆秋

蛾眉亭

采石磯頭百尺亭下臨天塹畫冥冥天門中斷楚
江闊日日蛾眉相對青

烈山

古寺紅牆出翠微莓苔石壁滴人衣一行白鷺衝
船起却上半巖松頂飛

過三山

三山二水古今同如練澄江碧映空二十餘年到
江左依然拄頰望雞籠

抵金陵

三言三
卷三
佳麗金陵道垂楊夾去津潮迎落帆客花映倚樓
人依舊青山繞如何白髮新昔遊三十載鬢髯記
前塵

石城橋示倪鴈園太史

昔作秦淮客朱樓賦洞簫白頭故人盡重上石城
橋

江浦道中田家

田家無面勢茅屋各東西細雨開蔬圃流泉入稻
畦水牛風處卧沙燕浦邊低農圃吾生拙飄飄愧
杖藜

雨過醉翁亭四首

琅琊山色好蒼翠連州城日夕巾車去煙蘿通徑
行四山新雨過數里聞泉聲悵望昔人遠彌深方

外情

出郭逢樵牧橋迴境已幽門前行溪石即菱溪石亭下釀

泉流禽鳥鳴何樂松篁颯似秋吾生嗟太晚不及

醉翁遊

風景非疇昔亭猶號醉翁曾將幽咽意迸入七絃
中我欲攜琴客臨流撫古桐不逢沈夫子噉噉夜
猿空

歐梅映池閣半畝散清陰老榦猶存古孤花開至
今冰溪尋寺遠雪路入山深此際巡簷好寒香伴
苦吟

望琅邪寺

琅邪遺古寺南望隔層巔苔蝕陽冰篆溪流庶子
泉羊牛下山徑鐘磬發孤煙未許行滕去僧房借
榻眠

晚至豐樂亭

豐山高不極到寺已昏鴉一塢含桃樹滿山烏柏
花僧離汲幽谷泉在幽谷活火試新茶歸去松蘿暝巖城

報暮笳

天慶觀宋立端命殿於滁以奉
藝祖又置觀於其側

宋家天慶觀古迹近千秋原廟春供祭衣冠月出
遊莓苔蒼鼠竄風雨杜鵑愁西洛諸陵遠蒼茫接
汴州

西澗

西澗蕭蕭數騎過韋公詩句奈愁何黃鸝喚客且
須住野渡菴前風雨多澗上有野渡菴
取韋詩命名

清流關

蕭蕭寒雨渡清流苦竹雲陰特地愁回首南唐風

景盡青山無數繞滁州

懷王隼梁無技

王字蒲衣梁字
王顧皆南海人

二子才何妙閑門對海濱
繙經裁白氎行藥過青
春綺麗誇宮體風流似晉人
最憐閨閣裏清詠玉

臺新

王婦蒲梁
妹皆工詩

寄蒲澗範公

憶訪菖蒲澗榕陰席屢移
泉聲微雨裏江色夕陽
時空谷無殘客諸方問
導師杼山詩法好慙負白
雲期

見田家飯牛者意有所感賦得牛飯就松涼

讀友宣城梅
磊構司句也

黃擗東臯暇青松北澗生
卧餘芳草軟飯處午陰
清甯戚歌偏拙華陽計
早成勞勞行役者三歎憶
巖耕

歸次臨淮

歸路仍淮水崎嶇嶺海餘
我行萬里道未得一行
書漁戶緯蕭接估船吹笛
初今宵孤館裏鄉夢復
何如

符離

萬里歸來兩鬢蒼閱他南漢
又南唐短衣射虎心

猶壯重過苻離古戰場

雨中渡河望黃樓

已見河魚上冥冥雨未休一條飛白浪十丈捲黃樓
杳靄龍山隱空濛雉堞收平生仗忠信欲下呂梁游

李長蘅詩穀城山好青如黛滕縣

花開白似銀實佳句也予冬夏兩過滕不見一花因成絕句

薛北滕南屢問津遠山如畫黛眉新唯餘底事堪惆悵不見花開白似銀

嶧山即事

雨足煙村事不閑家家驅犢出柴關棗花香徧濃陰合水碧沙明望嶧山

大汶口

岸石如羣羊渴者飲於水飲罷或寢訛鞭箠驕慵起何來西岳精偃蹇洪濤裏

奉符古城

我行奉符城不見崑崙迹何處仙人問青山繞長陌唯聞棠竹溪髣髴南村宅

徂徠山

雲陰移徂徠影覆汶河水下有賢人居清風被田
里一抔詎能容千秋今廟祀

石守道故居在
山下北玉村

楊家磴

詰曲皆紅泉縱橫半白石石映月明時泉喧風雨
夕愛此故鄉山臨流布瑶席

獲口峽

岱宗趨肅然

吾鄉長白即史記所謂禪泰山
下附東北肅然山亦曰副嶽也

陰齊陽則魯中

有夾谷臺連峰作門戶石壁造天關蕭蕭綠蘿雨

大洪泉

怒泉如車輪突出絕壁罅瀾瀾石上鳴潺潺雨中

瀾瀾響落千仞溪白鷗驚復下

帶經堂集卷五十七

帶經堂集卷五十八

歙門人程哲校編

新城王士正貽上

既蟲尾續詩四 雍益集

丙子春奉 命祭告西嶽西鎮江瀆出都却

寄李容齋相國陳說巖司徒彭羨門少宰

四首

早歷卽嶮萬里程那知垂老又西征六飛正決平

戎策時駕將出塞九折寧辭叱馭行華嶽終南春浩蕩錦

江玉壘氣崢嶸山靈處處曾相識只怪秋霜兩鬢

生

既蟲尾續詩卷四

年年待漏集修門滴盡銅壺笑語溫韋曲西來春
盜盜嘉陵南去雨昏昏蜀箋細字題清怨巴曲哀
音愴旅魂折得花枝相憶否梁州回首夢慈恩
十年兩度展明禋江海空餘汗漫身春老鶻啼催
入蜀年衰鶴病悔遊秦琴臺再訪當壚子簾肆重
過賣卜人興盡蕭然問歸艇碧雞坊外府江津李長
吉詩鶴病
悔遊秦
年來有味是三乘著紫伽梨苦未能此日只如行
脚去歸來應似罷參僧百城煙水雲隨屨方丈跏
趺雪暗燈五月岷江新漲闊朝辭白帝暮江陵

過琉璃河

琉璃河上駐征驂柳綻輕冰未蘸藍三十六陂春
水岸可憐渾不似江南

白河店謁椒山先生祠

墓在店北二里
去麒麟冢不遠

孤城初日上驅馬白河濱祠宇瞻喬木清流擷渚
蘋觸邪真獬廌守冢是麒麟
烈祖旌忠日光

輝四十春

順治十五年
文曰旌忠錄頌
詔刺忠愍二疏
賜廷臣今三十八年矣
御製序

新樂縣驛亭有感往事

古驛鮮虞國寒蕪新市城鶯花殊寂寞野水自縱
橫衣帶日以緩浮生還自驚敗垣蒼蘚合何處認

題名

蘭相如墓

智勇存危趙相如第一人特書王擊在間道壁亡
秦故國山河改孤墳草木春曾連終蹈海千古共
悲辛

真定題臨濟廢寺

欲問西來意因叅臨濟師主賓誰辨取棒喝任交
馳野鶻巢危塔行蝸上斷碑何因一莖草寶界現
琉璃

早發獲鹿縣

小邑淨如拭煙嵐朝打圍忽忘行役遠只似故山
歸瀑水侵官路清流浣客衣溪邊鳧鴈喜拍拍泛
晴暉

白獲鹿至井陘道中雜咏四首

纔過鹿泉上呀然開土門崩崖一綫路喬木幾家
村障日山多暝浮嵐晝易昏聞雞已亭午身在武
陵源

少日紛多慨龍門太史書劫殘秦復趙齒冷耳兼
餘豈謂無雙士而師李左車到頭鐘室恨功狗竟
何如

三九十三
治水三冬煖西來燕尾斜似聞藏碧石小住問丹
砂急瀨喧危徇疎林卧斷槎魚牀將蟹堞隨處可
移家

斷岸雷方殷奔瀧雪又飛魚驚如避笱鷗下未忘
機贛石何遷次瞿塘定是非倦遊三萬里誰為寄

當歸

子壬子入蜀甲子入粵及茲丙子
再使秦隴及蜀凡行三萬餘里矣

次井陘縣

千嶂通關路雙溪遶縣門亂流爭浦激水碓聒朝
昏夕照魚蝦市寒煙桑柘村當年穆天子雨雪獵
高原

故關

絕塞依天險雄關鎖地維石橫千仞壁松偃萬年
枝盡日無飛鳥經春卧老羆見北史槐花秋雨裏重憶

舊題詩

壬子秋過此有句云西風忽
送蕭蕭雨滿路槐花出故關

度故關感懷亡友葉文敏公

壬子秋于此
賦二詩寄葉

拄笏迎朝爽看山拂帽帚

舊詩云冒雨
看山拂帽帚

風生土囊口日

射太行雲往事浮煙散心知落葉分何時玉峰下
宿草醉孤墳

平定西道中即事

伏流處處瀉驚湍赭石荒岡眼倦看何似小園松

竹下玉螭乘月吐清寒

祁縣訪戴楓仲見其子永豐令記知以壬申

歲逝矣輓之一首

麓臺山畔已深春侯甲河邊起暮塵耆舊百年誰

碩果江湖萬里慣勞薪子自謂也楓丹笠澤思漁父草綠

昭餘酌故人一笑猗歌揮手去嗟來桑戶返于真

子昔為楓仲作丹楓閣長句引張志和夢楓樹生腹為比又為賦天馬鼎多父取二歌

韓侯嶺題壁

烏喙那堪共良弓久自藏一軍驚大將千古痛真
王勢已歸諸呂何勞守四方世家誰載筆讀史淚

霜裳

趙城道中懷門人黃自先張漢瞻周策銘殷

彥來蔣靜山諸子兼寄幔亭弟

白首京華七見秋田園蕪沒未歸休陽關又盡一

杯酒蜀道重尋萬里遊遙憶美人隔湘水頗哀老

子困壺頭苦思下澤車中語慚愧平生馬少游

洪洞縣謁韓忠定公祠

宏恭已自收蕭傅夏憚翻能殺呂強枉使空同奮

刀筆子規不勸李東陽

過臯陶廟偶感范滂事題壁

汝南范孟博高義薄雲霄未遂澄清志先逢黨錮
朝大名齊李杜幽憤祭臯陶南北甘陵部千秋恨
不消

平陽懷古戲作

漢宮貴主顏如花何異婁豬求艾豕漢家將帥亦
無種昔為騎從今同車鄭季長孺是何物一朝門
戶生光華生兒願得如衛霍悔不給事平陽家

猗氏縣衛爾錫中丞見過賦贈

鴨綠江頭絕鯉魚令狐城畔攬君祛聲名京兆三
王後衛先為京兆尹涕淚中山滿篋書都護夜郎餘部曲神

人姑射本清虛從今晏坐消殘一室何妨自掃
除

郭有道墓

介休縣二首

大槐坂上逐車塵爭效先生折角巾至竟清流解
亡國望門投止是何人

謁文忠烈公祠

精神如破貝州時晚節猶能動四夷天遣不同韓
富沒姓名留冠黨人碑

風陵渡河抵潼關

行盡并汾路前旌欲度關亂帆河曲水隔岸號州

山地險煙嵐合時清虎豹閑永懷黃綺侶白首卧
商顏

訪山史讀易廬時久客淮南未歸

多年華下遂君初廿載重過訪舊廬滿徑苔痕侵
竹石當牕嶽色淨琴書山中宰相人誰識江左夷
吾我不如爲報倦遊歸及早淮南無此好家居

華山雜詩七首

玉泉院

目玩玉泉流靜悟先天易多事墜驢時強與人間
事

山蓀亭

結茅孤石稜玉泉下奔注亭空泉尚流上有無憂
樹

希夷峽

洞門峽半開鐵鎖垂千丈俗駕自然迴何地容种
放

娑羅坪

小憩娑羅坪手撫娑羅樹仰見上方雲時向人間
去

毛女洞

毛女負琴去倏然松杪飛青冥風露冷髣髴見天衣

白鹿龕

雲中跨白鹿心知魯女生乞我一丸藥相將遊玉清

青柯坪

窈窕青柯館正在西峰罅二十八潭懸飛瀑從天下

青柯坪迴喜吳天章至自朝邑

昨過風陵渡思君役夢魂暮雲低華嶽春水下龍門轉徙猶三輔艱難共一樽何時逢玉女同到洗頭盆

謁郭忠武王祠

華州二首

便橋蕃部擁風雷單騎纔臨鐵騎摧回紇萬人齊下拜傳呼天上令公來

謁寇忠愍公祠

拓枝舞罷蠟成堆千束吳綾夜宴開不是魏三詩句好誰知無地起樓臺

新豐

漢代粉榆社遺墟極望平空提三尺劍忍啜一杯

羹細雨新豐樹寒蕪小苑城惟餘舞陽廟漠漠土花生

驪山溫泉

曾過繡嶺弔開元廿載華清役夢魂老大不關興廢感重來只似洗腸源

秦始皇冢

下錮三泉銀作池一朝禍發牧羊兒誰知地底連機弩不射周章百萬師

石鑿寺

在驪山東繡嶺

當年石鑿寺曾對集靈臺青雀無迴信黃虵是禍

胎杜詩化作長黃虵謂祿山也

朝雲何日散山月至今來坐久流仙

梵松聲薄暮哀

灞橋

自古銷魂地茫茫喚奈何行人灞陵渡疎雨灤陽過楊柳籠煙薄桃花夾岸多邯鄲東北望流恨滿

雲和

即漢文帝令慎夫人鼓瑟處

灞橋柳

灞橋楊柳碧毵毵曾送征人去漢南今日攀條憔悴絕樹猶如此我何堪

城南遊詩十首

曲江

賜沐逢修禊宜春歲歲遊傳呼夾城仗早御望仙樓捧劍金人曲凌波綵鷁舟新蒲將細柳蕭瑟至今愁

慈恩寺

昨日櫻桃宴今朝鴈塔行紅綾新賜餅淡墨舊題名柳汁年年綠桑田歲歲更殘僧空劫後相對話無生

薦福寺

即聖容院今名小鴈塔

院從唐代建人以寂音傳

洪覺範嘗居此

水鳥皆聞法雲山

不離禪花邊傳浴鼓竹外起茶煙即此忘言說虛空借坐眠

韋曲

皇子陂邊路風光韋曲多曾鄰天尺五最近第三坡芳草新年色桑條舊日歌傷春更懷古容易醉顏酡

杜曲

春衣杜陵宿窈窕一川花舊是岐公宅人傳故相家名園三品石貴主五雲車今日穠華歇棠梨噪暮鴉

牛頭寺

牛頭鐘梵罷露坐俯樊川
明月生秦嶺清光滿稻
田微風喧吠蛤野燒起
山煙歸卧禪燈寂心空
古佛前

少陵原工部祠

少陵原下路髣髴浣花村
猶似開元日終南對國
門秦川空望眼湘水與
招魂忍見桃花落紅糝
綠樽

樊川桃花

三月樊川路紅桃散綺霞
終南青送黛滴水碧穿

沙草色裙腰合渠流燕尾

銷魂過杜曲一樹最

大斜

杜曲南鴻固原下
緋桃一株方盛開

鄭莊

杜陵客西蜀常憶鄭瓜州
望古尋遺跡逢人問故
侯有才三絕擅無恙八川流
近交口相望韓莊近同悲
貉一邱

秦愍王墓

陳王鬪雞道今日望陵園
石馬前朝賜銅人漢代
原幽蘭悲帝子芳草怨
王孫猶有藍田燕年年入
墓門

杜曲西南弔牧之冢

兩枝仙桂氣凌雲落魄江湖杜司勳今日終南山色裏小桃花下一孤墳

咸陽懷古

燕丹報秦仇其志良已大志士不謀身豈必論成敗一哭馬生角天意若有在交龍為扶舉機橋詎能害奈何衍水匿骨肉割深愛帝醉顧飛廉四海遂橫潰徒惜劍術疎千秋發長喟

茂陵懷古

頻年祠太乙晚歲罷輪臺維氏仙何往瑤池信不迴紅顏鈞弋盡白首子卿哀失勢秋風客昆明又劫灰

李夫人冢

在茂陵西北數步

長門買賦草萋萋冤魄雲陽杜宇啼惟有佳人解傾國茨陵長傍茂陵西

楊妃冢

怨粉愁香委路岐祇留羅襪使人悲梨園教就霓裳譜不似三鄉陌上時

扶風縣早發

車馬扶風道春光冷似秋雲峰會岐下雨脚插梁

州寥落鶯花日蒼茫
汧渭流前程兼隴蜀
萍跡信悠悠

馬融絳帳村

絳帳風流蹟尚傳
不聞長笛但荒煙
李公已為飛
章死何用區區妒鄭元

岐山謁周公廟

廟中有
潤德泉

元聖祠堂在娑羅
覆殿吟云
娑羅樹最古
岐周遺俗古碑
碣歲時深故國
千秋祀燕風
七月心靈泉
聽不盡
三歎有餘音

秦穆公墓

雨霽陳倉曉日紅
杖藜來訪橐泉宮
千年斷碣荒
煙裏一片殘春秀
麥中黃鳥哀時良
士盡碧雞飛
去霸圖空子車遺
冢猶鄰近長與坑
儒恨不窮

雨中武貞菴督學招集東湖

行人衣上雨來自杜陽
川湖似郎官
好名因學士
傳有坡
公祠
游儵爭唼水
垂柳欲生煙
重過荷香裏
還

勞運酒船元次山詩不能
廢人運酒舫

再集東湖拜東坡先生祠

復有東湖約來當
春暮時涼風散
高柳微雨灑
清池自識龜魚樂
何殊濠濮思
仙翁去千載
髣髴下

雲旗

汧陽縣

晚上汧陽閣遠山橫翠眉

韋莊汧陽詩遠山如畫翠眉橫

川長連隴首

城古枕隴糜太尉千秋笏

段公秀實汧人

韋郎七字詩不勝

懷古意羌笛暮休吹

登隴二首

隴頭有流水嗚咽至今寒只自流離下那知道路
難秦川已迴望齊瑟向誰彈東道三千里無因託

羽翰

登隴人回首臨關馬顧羣唐句遠遊今到此出塞古

常聞不見梅花使惟看隴水分故園渺東海愁絕
萬重雲

隴州縣頭鎮古吳山縣也有元縣令丁帶十
詩愛其似姚合武功雜咏恐其湮沒表出

之

瀟灑吳山縣

丁十詩皆以此句為起

猶傳仙令辭那知煙草裏復

見武功詩過客詢殘堞田家補廢籬當年杜元凱
峴首亦沈碑

登吳嶽

名嶽標西極金天作鎮雄東看連太白北望盡回

中日出橫秦時煙消指漢宮導岍思禹績此地鑿
鴻濛

吳山瀑布泉二首

沂山新望秩曉色五峰晴初日林端豁飛泉樹杪
行尋源經絕壑臨水濯塵纓寂坐丹厓裏身疑在
碧城

望輦峰前路陰厓樵牧稀千尋雙瀑下十笏萬山
圍水石含秋色雲霞變夕霏靈湫有神物金碧射
人衣

祀雞臺

寶雞縣
三首

東周久已換西秦陳寶何須辨偽真猶有漢家使
持節益州遠祀碧雞神

鳳女臺

弄玉空祠鎖寂寥碧雲天際水迢迢丹青不畫乘
鸞女夜夜月明聞洞簫

賣酒樓

東坡
有詩

昨向宜春下苑遊曲江煙景似悲秋珠簾甲帳皆
黃土何必陳倉賣酒樓

寶雞縣南入棧感成

碧油幢引向西川取次重過二十年驛壘又經新

戰伐奮威將軍關河不改舊風煙陳倉五夜荒雞早錦
破賊于此水三春旅夢懸長白山前一茅屋何時送老白雲
邊

棧道雨

漠漠天將雨沈沈日又西林間畫眉鳥更作盡情
啼

鳳縣西溪金絲柳二首

宋苑金絲柳傳來自鳳州經時未憔悴煙態拂人
頭

絲拂金明水根移太乙宮東京夢華後何似此山

中

紫栢山下謁留侯祠

相傳是辟穀處并
祀黃石公赤松子

萬木蕭蕭風晝吹深山忽見留侯祠清流白石闕
今古雪栢霜筠無歲時辟穀真從赤松隱授書偶
作帝王師也知烏喙逃勾踐未屑鴟夷學子皮

聞紫栢山絕頂有峩眉老衲獨坐丈室數十
年蛇虎皆馴伏今九十有六矣惜不得其
名字乃作頌古十絕句屬鳳令寄之丙子
歲四月七日棧中留壩驛燈下成

維摩詰

師利多言說淨名殊默然語言文字外已示祖師
禪

須菩提

善哉須菩提巖間惟晏坐般若是誰聞諸天雨花
墮

惠持

樹中入定僧千年人不識如何去陳留一住無消
息

道超

我愛道超師絕俗耽憩寂退院聞無人蟋蟀鳴秋

僻

寒山

寒山牛跡話此意誰酬酢趙州小斲兒宛有大人
作

懶殘

煨火傍羣牛謫來幾千歲懶殘亦俗人誰能為拭
涕

地藏琛禪師

栽田博飯喫獨振元沙道一笑視諸方說禪方浩
浩

法昌遇禪師

法昌亦開爐單丁唯一箇賴有十八賢緘口圍爐坐

黃龍晦堂禪師

山谷大辯才妙義皆糠粃滿院木犀香吾無隱乎爾

褒禪山僧

見冷齋夜話

枕石漱溪流夢見歐陽子覺來萬壑風松聲滿人耳

汎漢江

廣川微雨過鼙鼓發中流白獺啣魚上青峰捲幔收江童竹枝曲漢女木蘭舟歸路重城晚紅燈滿市樓

大安驛雷雨

客行當四月驟雨過三泉出地雄雷奮穿雲急瀑懸飛龍氏舊國白馬戍西偏潭毒關前壘英風尚颯然

潭毒關宋劉子羽退敵處

百牢關

全秦雄百二南盡百牢關人雜氏羗俗天連彭澤山漢臣傳諭蜀唐計失征蠻歷歷前朝事孤雲

照間

嘉陵江上憶家

自入秦關歲月遲
棧雲隴樹苦相思
嘉陵驛路三千里
處處春山斗畫眉

龍門閣

潛水入嘉陵江處即龍洞背亦名葱嶺

四圍碧玉色
峻嶒著箇行
纏盞飯僧松
米風來龍背冷
坐看潛水入嘉陵

籌筆驛

朝天峽上

當年神筆走羣靈
千載風雲護驛亭
今日重過弔陳跡
祇餘愁外舊山青

意中流水遠愁外舊山青
白曼卿題籌筆驛句也

飛仙閣

山行喜乘流
江平况如練
峩峩有開闔
竹樹一葱蒨
舊人言利州
風今朝冷然
善灘如塗毒
鼓舟劇離弦
箭仰眺飛仙
閣鳥道危一
線彎環歷三
朝向背窮九
面絳雲卷輕
綃白日遞隱
見嘉陵碧玉
色晴雨皆婉
孌想見吳道
元應詔大同
殿此生兩經
行天遣追勝
踐醉帽停烏
奴已泊益昌
縣

蜀諺云利州風雅州雨

飛仙閣口號

丹頂朱砂玉雪翎
朝遊沙苑暮青城
前身恐是雲中鶴
曾喚仙人徐佐卿

汎嘉陵江至益昌

今昭化縣

懷何易于

益昌古利州由來五達衢白水合嘉陵山谷相盤
紆我有汎舟役萬里經川塗望古懷清芬所思何
易于刺史乘春下畫鷁盛嬉娛前舟載賓客後舟
羅笙竽索民為挽舟牽綽須百夫縣令腰笏前挽
舟自先驅刺史驚問狀縣令乃前趨方春耕且蠶
民力方勤勸令適暇無事可以充卒徒刺史聞之
慙上馬如亡逋仁人重一言能使民力蘇考獻徵
樵文撫之載唐書累百守令中尚有斯人無作詩
告有位磬石鑿山隅

晚至昭化縣題孔令見野亭

葭萌朝挂席弭櫂欲三更月上嘉陵水山圍漢壽
城主人具雞黍邀客啟柴荆修竹吾廬似因之故
國情

登牛頭山

連峰去不窮萬壘塞寒空向下惟看鳥憑虛但御
風身投巴徼外目極雪山東五畝湖邊宅何年著
退翁

牛頭山

其上天一握其下潭萬丈峨峨牛頭山排空削千

嶂盤盤石磴危鈎梯絕依傍路與風雲通人出飛
鳥上全蜀萬山圍四顧迷背向歸雲盪胸來浩呼
洶濤浪有如泛香海一葦凌滉瀆夔夔爭逢迎鬼
神獻情狀咫尺即岷峨此亦堪輩行

入劍門

銅鶴香浮 玉座溫七年 講幄奉明恩此身未

了詩中畫細雨騎驢又劍門

及公詩細雨騎驢入劍門

劍門關

鎖鑰川東北雄圖自鼈靈一關橫碧落雙劍插青
冥驟雨蛟龍逼驚風草木腥無才繼張李不敢勒

新銘

劍州夢蔣虎臣先生

壬子秋入蜀先生在峨眉山是冬示寂伏虎寺

巴蜀重來雪鬢增夢餘古佛歎嘉陵手中躄跳紅
藤杖劫外逍遙白足僧七祖門庭叅北秀百城煙
水訪南能兜羅綿界如相待同踏峨眉絕澗冰

郎當驛雨中二首

金雞賜帳事披猖河朔從茲不屬唐却使青驪行
萬里三郎當日太郎當

武連縣南雲氣遮郎當驛北石槎柯西風盡日濛
濛雨開徧空山白芨花

長卿山

相傳相如讀書處明皇賜今名

漾舟潼水碧潺湲一抹青峰想玉顏留得文君好
眉黛薄雲初散長卿山

晚渡涪江

涪江江水抱山流不見唐家帝子樓記取江東詩
句好澹煙喬木是綿州

緜州漁父村相傳是涪翁故居

越王樓閣已成空州府荒涼苦竹藜猶有煙波漁
父里芙蓉溪上弔涪翁

鹿

抱郭涪江碧玉流一川豐草鹿呦呦倦遊忽憶楊
岐語祇有渠儂得自由

猿

蜀道山猿樹樹懸栗皴開處一林煙六牕不遣獼
猴靜漫說愁猿學四禪

羅江驛夜雨

故縣也今省入德陽城北有潺湲亭

前旌已拂鹿頭關風雨勾留不肯閑何處行人最
愁絕潺湲亭下水潺湲

落鳳坡弔龐士元二首

白馬關前夜雨涼斷碑空在漢祠荒一羣鸚鵡林

間語似憶當年孤鳳皇

沔上風流萬古存魚梁洲畔向江村何如但作鴻
冥好采藥相攜去鹿門

午日張成都譚敘州王遵義三太守招集浣

花草堂

故人相見錦官城五月黃梅雨乍晴真向西川觀
競渡國師休叱野狐精

戲用尚陽
忠國師事

謁漢丞相忠武侯祠

碧雞坊外路丞相古祠堂井絡猶天漢穹碑自盛
唐兼碑
柳書當年紛野祭異代肅丞嘗慘澹風雲會悲

歌激大荒

昭覺寺贈佛寃禪師

禪窟偶經行逢師萬慮輕大都明祖意何必太僧
生掌內摩尼影堂頭毒鼓聲灼然賓主句無復下
牀迎

題淨居寺清風亭

修篁江寺古荷芰水亭幽欲悟無生忍寧從半字
求菩提本無樹般若亦非舟只自忘言好虛空笑
點頭

淨居寺謁宋文憲公祠

在文
殊院

一代高文奉至尊那知投老葬蠻村祇應迴向文
殊境共證毘耶不二門

成都懷古四首

司馬相如琴臺

長卿但好色慢世亦何有奈何滌器處風流映身
後快意駟馬歸王孫獻牛酒

揚雄墨池

子雲拒富人風義凜當世何物國師兒乃許問竒
字墨池久荒涼四賦空巨麗

嚴君平卜肆

君平神仙流賣卜亦偶爾蕭然日下簾心契希夷
旨我讀指歸論悵望成都市

李衛公籌邊樓

武侯籌筆驛衛公籌邊樓兩賢不並世風烈俱千
秋功高竟不賞海外志窮愁

漢州西湖

當年房次律此地鑿西湖百頃煙波渺中流島嶼
孤琴亭何寂寞片石亦榛蕪欲問邢和璞三生事

有無

放翁房相西湖詩遠城鑿池一百頃
島嶼屈曲三四里房公石尚存州解

漢州紀夢

照壁孤檠不自聊，隔牕寒雨打紅蕉。驚回一枕鄉園夢，身在西川金雁橋。

雨下牛頭山二絕句

冒雨下牛頭，眼落蒼茫裏。一半白雲流，半是嘉陵水。

衆山遶嘉陵，白雲如玉城。江山不相負，幸自可憐生。

千佛巖

江作大圓鏡，山為寶樓閣。莫遣丹霞聞木石，總燒却。

利州皇澤寺則天后像二首像是一比丘尼

鏡殿春深往事空，嘉陵禍水恨難窮。曾聞奪壻瑤

光寺持較金輪恐未工。洛陽伽藍記瑤光寺尼工奪壻

瓦官寺裏定香熏，詞客曾勞記錦裙。今日蘭橈碧

潭上，玉溪空自怨行雲。李義山利州江潭詩欲就行雲散錦遙自注感孕金輪處

金牛峽滴水巖

峽口羣峰似鐵圍，半空晴雨落霏霏。陰谿樹合疑

無路，鬼蝶如輪自在飛。峽中多蝶視常蝶大倍之

定軍山謁忠武侯祠

朝登武侯坪，遙酌丞相墓。渺渺漢川流，羣山莽迴

互背臨巴蜀道前指梁洋路髣髴漢官儀再拜冬
青樹

黃沙驛

稻畦方罫一渠通雨足村村樂事同白水滿塘秧
正綠吳牛閑卧柳絲風

界牌關道中

修竹覆竒壁飛泉來半空人行翠微裏風度紫蘭
聚暫喜俗塵遠休嗟吾道窮誰爲洪谷子移向畫
圖中

西過東湖題宛在亭

小鴨啾啾萍葉亂三枝五枝菡萏開曾連陂上花
千頃黃帽刺船歸去來

重題茂陵

絡繹甘泉豹尾催君王夜幸栢梁臺當時譎諫稱
方朔也嬖長陵宛若來

謁段忠烈公祠

昭應離宮盡廢丘司農祠廟儼千秋流芳遺臭知
何限火迫當年笑鄭侯

早發臨潼

輦道虛無裏孤城翠靄間西南迴望處滿眼是驪

山

華州西溪

往來宮柳路纔訪鄭南坻
水木清華色雲峰澹宕
姿江心伏毒寺花外拾遺祠

有子美祠

不見松譚閣松

風日暮吹

郭肩伯宗昌松談閣在溪上今廢

泚園弔郭肩伯二首

肩伯園中置一舫居之名齋舫

白厓湖水碧浮天亂石嵯峨
凌紫煙十里芙蓉衆
香國此中曾泊孝廉船

大華小華皆削成東溪西溪夾鏡明
仙人鶴背忽飛去天風下來聞玉笙

鼎湖原二首

軒轅鑄鼎此荆山弓墮龍髯不可攀
多事橋陵一抔土伴他鴻冢在人間

素女為師態萬方如聞天老教軒皇
馬肝已諱文成死又見神君祀栢梁

盤豆驛

依然盤豆對藜蘆回望關門岳勢孤
思子臺邊一懷古不知身過玉孃湖

湖城二首

今闕鄉

泉鳩里畔動悲風回首秦山隔萬重
仙意已窮巫

盡起茂陵遺恨犬臺宮

趙鹵誰教近至尊漢庭不照覆盆宛如何病已為

天子惡謚重蒙又戾園

稠桑驛

感張淑人陳孺人而作

春蘭秋菊不同芳舊恨新愁爾許長應是三生緣
未了又呼妙子到稠桑

舊函谷關

靈寶

白馬東來開象教青牛西去入流沙至今冠蓋東
西客起候雞鳴到日斜

老子故宅

北邙東望冢累累上有元元古廟基莫以荒唐笑
仙李漢家先奉濯龍祠

次陝州

首春發京國秋氣忽蕭蕭路入三川險人歸萬里
遙黃河流底柱白日下中條河上傳經叟仙蹤不
可招

甘棠

今陝州

弭節甘棠日未晡玉釵金縷散青蕪穀陵此去多
風雨不用尊前唱鷓鴣

許渾有甘棠聞唱鷓鴣辭詩

甘棠驛

北寺南牙劇戰爭可憐甘露怨誰明甘棠驛外東
流水鳴咽年年寒玉聲

事見甘棠
靈會錄

魏野草堂

陝郊棲隱處寥落對雲山無復花藏縣曾聞菊遶
灣二句用
野詩偶敲紗帽出時跨白驢還尚憶汾陰祀流
風杳莫攀

雨度硤石

函關東望勢嵯峨北顧洪濤俯大河自昔雲山三
晉壯至今風雨二嶠多國殤白骨埋幽草山鬼清
秋帶女蘿想像秦聲思蹇叔夏臯陵下一悲歌

會明臺二首

澗池

秦聲趙瑟會西河御史前書較孰多臨訣數言關
大計論功終欲首廉頗
不辭頸血濺秦王進在當筵氣慨慷十五名城酬
趙璧何如談笑請咸陽

新函谷關

新安

建瓴形勢壓河潼六國逡巡百二雄楊僕移來定
何事妬他昭屈在關中

洛陽

國本爭來黨錮連楚歌楚舞亦堪憐如何鴻鵠高

飛去又見蒼鵝出地年

望龍門香山寺懷白傅

神女浦前眉月上窈娘堤畔臉波橫輸他六十河

南尹五度香山雪後行

白詩五望
香山雪

渡洛水

脉脉中流望盈盈羅襪塵西園魏公子南浦洛川

神蘅薄芳猶在楊林意未申凌波何處問秋水正

魚鱗

洛神

凌波羅襪欲生塵賦裏驚鴻態尚新不信三臺登

真比洛川神

洛川南望

碧鷺清洛洗愁顏伊闕中分兩鬢髮煖翠浮嵐看

不盡緱山南是伏牛山

白馬寺

伽藍半化洛陽塵漢代鴻臚跡尚新太息他年窮

楚獄仁祠空解祀金人

王輔嗣冢

鍾會齊名果是非白楊孤冢夕煙微如何一夕談

名理不救河橋誤陸機

緱氏縣今偃師

白茅授印事何如底許孫卿更上書
桂觀蜚廉人力竭祇緣仙子好樓居

望緱山廟

王子乘鸞鶴飄搖伊洛間至今明月夜
鳳吹空滿山緱氏仙踪杳東萊漢使還
樓居高幾許天路渺難攀

七夕前二日鞏縣阻雨

大火西流日昇仙故跡存王子晉以七月七日上昇秋風來鞏洛暮

雨阻輾轅欲把浮邱袂難招杜甫魂工部葬首陽山神嵩如

可眺三十六峰昏

宋陵鞏縣

洛水邙山飽廢興宋家幽寢闕魚燈奉香不見臨
安使白日茫茫下七陵

七夕雨抵汜水縣

玉門殘壘外云是古成臯濁浪喧牛口雄關偪虎
牢青山空楚漢白骨尚蓬蒿七夕風兼雨悲歌撫
孟勞

紀將軍祠滎陽

東門黃屋競傳呼從此咸陽入帝圖若遣封侯身

不死也須鐘室避娥姁

夕陽樓 鄭州 三首

野塘菡萏正新秋紅藕香中過鄭州僕射陂頭疎
雨歇夕陽山映夕陽樓

僕射陂白蓮

陂名傳僕射秋氣滿蒹葭十里銀塘冷千枝白艷
斜他年履道宅應憶管城花素手誰攀折飄零自
水涯 鄭州古 管城

圃田列子祠

冷然鄭圃御風遊四十年如不繫舟怱悵餘年遠

嫁衛先生老矣又何求

官渡

別駕亡來萬事非夕陽官渡客行稀袁家新婦應
惆悵賸與陳王詠宓妃

中牟縣南湖蒲盧亭是張林宗飲酒處予易
名墊巾題一絕句

南郭孤亭野水濱菰蒲獵獵水鱗鱗林宗未遠風
流在不愧亭名是墊巾

板橋

板橋衰柳日蕭蕭回首宣和似暮朝上巳金明池

上飲畫船銜尾駱駝橋

昭靈夫人墓

驚風古道卷蓬根何處昭靈墓尚存不見梁巫陳
桂醕野人耕盡小黃園

艮嶽遺址

內殿傳聞燕親去聲唐人詩人
主人臣是親家家香風千樹引梅花玉
華閣裏分明見不羨堂名萼綠華

謁信陵君祠

趣救邯鄲却暴秦十年留趙事酸辛大梁歸後匆
匆甚日飲亡何近婦人

曹門李中丞蒲陽偕藩臬諸公餞別

梁園送客覆清樽雲作魚鱗日氣昏劍客廟前和
問訊抱關非復古夷門

曹南渡河望南華山

函關已弔元元宅鄭圃還過禦寇家問渡漆園風
雨裏却臨秋水誦南華

春城堆金鄉晉郗
公故宅

春城堆上弔諸郗絕恨叅軍入幕時只有青溪三
十曲風流猶自憶僧施

南陽聽歌

七載離筵喚奈何玉壺紅淚斂青娥
瀟瀟暮雨南陽驛重聽吳娘一曲歌

雨登太白樓

開元陳蹟去悠悠猶有城南舊酒樓
吳語曾呼狂太白洛陽何必董糟邱
龜鳥縹緲當窓出汶泗蒼茫遶檻流
眼底無人具賓主任城煙雨可憐秋

南池

南池風景地微雨墊巾來盡日間
蟬語無人共酒杯一亭楊柳暗四面
芰荷開萬里橋西宅新經蜀國回

龍女祠

漢水
北岸

冰綃霧縠映迴波半額宮黃感黛蛾
欲采香蘋慰幽怨不須深避庾毗羅

帶經堂集卷五十八

帶經堂集卷五十九

新城王士正貽上

蠶尾續詩五

續集上

夢遊三山圖歌為尤悔菴太史賦

故人昨有夢夢落滄海東海中三神山往來倏忽
 隨長風上有金銀宮闕互虧蔽下有雲濤汨沒相
 撞舂蕭灑古仙人漆園傲吏逍遙翁莊歲星不見
 幾千歲劃然一嘯驚鴻蒙東方 鴻蒙澤見 郭憲東方先生傳羲皇上人
 北牕卧流觀山海須臾中陶謫仙騎鯨去采石李
 玉局西返峩眉峰蘇或被天衣駕煙鴻或乘雲氣

騎飛龍西堂八十方兩瞳生不並世道則同笑指
桑田洗毛髓下視六合塵濛濛兜率海山等遊戲
夢耶覺耶皆虛空三千里外訊占夢漢廷尚有大
王公

觀演瓊花夢傳奇東龍石樓宮允八首

歌舞并州暫許窺心如牆壁阿誰知尊前唱徹銷
魂曲不奈橫陳嚼蠟時

歌似遊絲裊碧空舞如洛浦見驚鴻二鄉陌上聞
風水偷入霓裳曲調中

川道跡草蕭蕭絕調荆溪謂吳石渠又寂寥自拍檀痕

觀曲江東惟有阿龍超

貫酒旗亭風雪顏涼州一曲唱雙鬢舊傳龍衣江

南錄新譜江郎夢筆山劇譜江某事

隻手雙提將相權晚昇碧落珥貂蟬真靈位業都
如此那許孤寒到日邊

漏盡何辭倒玉壺清歌十斛走明珠金荃曲妙無
人解合付柔奴與態奴

三年書記揚州夢一夢揚州三十年誰識蕃釐舊

遊侶白頭猶剩杜樊川子去揚州三十有一年矣

香山翠色玉泉流小別俄驚二十秋不負殘年好

風景千峰霽雪一登樓

昔與荔裳西樵雪後遊西山亦二十四年

題張翀花卉二首

乙巳作追錄

曾過桃葉渡不見春蕪閣何處曼殊花忽從卷中落

楚客寫芳草汀洲蘭杜春芳香持作佩欲寄湘中人

為門人顧俠君

嗣立

題小秀野二首

屋上青山看鄧尉門前流水即滄浪更添五畝閑花竹何似君家舊辟疆

前身慧業應金粟家世風流是玉山他日凌風一

相訪閑吹鐵笛過雲間

雨後門人鍾聖輿

轅

送芍藥報謝二首

十年不復過豐臺多負花時斂盪杯愛爾清才如小謝故吟紅藥遣春來

新綠橫牕穩晝眠一簾微雨似輕煙晚晴睡起維摩榻花氣撩人又破禪

題門人宋山言

至

學詩圖兼寄牧仲中丞

名家文采更堪論七葉雕龍舊相門却笑當年韓吏部生兒渾不辨金根

送彭羨門少宰予告歸海鹽三首

達人貴止足筮爻得天山挂冠去神武養拙歸邠
樊朝上北闕書夕問東吳船為別當重陽雲物淒
以繁黃菊照離尊丹楓羅廣川賓鴻正南翔流聲
雜哀絃南鴻歸有時解后知何年

與君初結交乃在弱冠時卓犖皆負俗雲龍歎追

隨九日登薊邱慷慨賦新詩橫槊當曹公順治己亥借曹學士顧菴

登高賦五
七言詩擊筑思漸離直視督亢陂斗酒安足辭俛仰

四十載容鬢各已衰今辰復重九少壯非前期惟
應尺素書慰我長渴饑

次直沽津晨發鮑邱水輕帆駕雲濤倏忽即千

里北望懷故人南歸戀粉梓故國與故都暢然皆
可喜慨茲搖落辰秋聲感人耳落木紛川塗寒蟹
鳴不已零雨與晨風離憂從此始

再送羨門少宰

早年燈火共長安垂老悲歌易水寒故里黃花三
徑好重陽白雁九秋殘玉衡去後留民譽金粟歸
來穩釣竿十載聞雞同左掖臨岐清淚忽洸瀾

題門人朱子青詩卷

吾州之湖號蓮子明湖一名濯纓湖又名蓮子湖數峰純浸湖光裏當
年房豹亦佳人解道風淪歷城水橡村居士苦耽

吟寄我新詩韶護音髣髴鵲華秋色好扁舟繫著
使君林

題梅桐厓中丞黃山采藥圖二首

三十六奇峰峰雲海中誰能賦采藥獨有陸龜

蒙

天隨子有采藥賦

君住謝家山蒼翠落牕几何事訪軒轅迢迢三百
里

為李公凱學士題謝西村雜畫三首

陶峴三舟載賓客鷗夷一舸下姑蘇不如細雨斜
風裏還我煙波舊釣徒

一帶青山罨畫長半篙春水即滄浪鳧翁濯濯蒲
芽短黃柳千絲亂夕陽

崦隅雲林石磴危林端紺宇露參差分明倚杖開
先寺雙劍峰前看瀑時

題宮中丞登岱海市二圖二首

紫氣來江左青方首秩宗金絲聞魯壁風雨撫秦
松日觀翔孤鶴天門憶六龍漢儀推應劭早晚紀
登封

謝公山澤興放眼到之罘城郭鄰鮫室風煙結蜃
樓一泓俯滄海九點辨齊州夙昔懷坡老真追玉

局遊

碩揆禪師住三峰祖庭有十月桃花四月梅
 花之異老友錢湘靈孫赤厓皆為賦詩自
 吳中來徵予作為賦六絕句寄之

桃根桃葉鬪妍姿解道盧家醜面辭爭似祇林不
 搖落紅花白雪恰同時
 玉笛吹殘楚水涯江城五月落梅花石泉槐火三
 峰下真見仙人萼綠華
 想像靈雲一見難桃花作飯阿誰餐上春不屑嬌
 穠李留伴空生閱歲寒

冰姿一樹壓雕闌梅子青青已帶酸誰信暗香疎
 影裏綠陰黃鳥殿春殘

名葩何必競芳春狡獪從知造化神依舊汾陽玄
 要句重陽九日菊花新

漢月大師建立臨濟
 玄要宗旨師其嫡孫

巖中晏坐幾經年般若何曾一字傳任是無聞總
 歡喜隨時花雨散諸天

送馬生歸金陵

隨身鉢袋與軍持慙負年年白社期君到獻花巖
 畔去為予一謝嬾融師

常少司空奉使西域回賦贈

曾騎白馬度安西都護名從絕域題雪領天寒人
去少河源日落鳥飛低彈碁握槊分曹出皓齒青
蛾按拍齊東入陽關更回首輪臺春草正萋萋

題張杞園待詔遠遊圖

屈生蕉萃江潭後始載雲旗賦遠遊何如世外張
公子早駕飛鴻徧九州

題門人狄立人億庶常載花圖六首

輕陰細雨養花天淺絳深紅載滿船也似碧雞坊
外路不妨人喚海棠顛陸放翁詩走馬碧雞坊
外路市人喚作海棠顛
兩度虛從錦里迴燕宮花事剩莓苔風流輸與江

東客不用梁州打始開

媽紅映肉怯中單淥水春江正薄寒誰似玉山風

調美朝朝側卧捲簾看韓致堯詩海棠花在不側
卧捲簾看韓號玉山樵人

曼殊沙與曼陀羅香色料量不較多髣髴散花天

女侍前身應是病維摩時方屬
疾乞歸

紅雲洞裏覺春深蹋颯何愁風露侵常笑吟詩張

學士川紅擬似水林檎宋張冕賦海棠詩云
水林檎發一攢攢

曉妝倭鬢露盈盈卯酒微酣頰暈生他日流傳新

樂府祇如名士悅傾城

送陸廣明視學四川二首

當年持使節相見粵王城何意三巴返重逢萬里
行文翁方教授杜撫幾門生再勒宣公碣聞孫繼
令名予甲子使粵陸方令
英德今又使蜀初歸
江左傳文賦才名大陸知王程犀浦道弟子鹿鳴
詩滴博千秋雪摩訶六代池公餘倘懷古吟卷寄
相思

孫赤厓孝廉七十奉寄

卓帽歸來兩鬢絲依然海鶴舊風姿清規誰似邴
根矩真樂無如榮啟期洛下近添耆老會鄴中都
誦建安詩尚湖春水濃如酒誰共扁舟倒接羅

題王石谷騎牛圖

送君歸去烏目山想見昔人清淨退來往騎牛澗
谷中往往神光射牛背

再送石谷歸常熟

君訪慧車子言歸烏目山帆隨五湖闊心與孤雲
閑潑墨營丹嶂開籠放白鷗遙知破山寺高卧掩
松關破山寺唐人
常建題詩處

送王令詒原之官銅仁以茂名
令改任

乍返扶胥櫂還乘楚水槎人如訪勾漏地自足丹
砂蠻俗猶輸布徵書定及瓜一歌沅有芷離思滿

天涯

題鍾文子師梅園溉竹圖

園有金線泉七十二泉之一

梁園修竹久凋零金粉蕭條草自青惟有白頭王
孝逸昔遊如夢記汾亭

為張敦復宗伯題王石谷畫

眼明忽見楚江船烏柏丹楓歲莫天憶在滌峯修
竹裏滿天風雪指龍眠

滌峯陳默公兵部別墅

送門人蔣靜山

仁錫

之大同

結束曉蒙茸貂裘犯朔風亂山橫代北匹馬入雲
中冒頓曾鳴鏑祁連昨挂弓清時思魏尚懷古意

無窮

夏日有事吏部坐藤花下呈玉峰吳盧二少
宰

日斜人吏散雜坐古藤陰時有涼風至冷然開我
襟周行聊寄跡邱壑共論心尚憶延陵叟清微感

至今

藤相傳吳文定匏菴官少宰時手植

題門人許不棄

遇

石林山居圖

友人有介子

石林卜築此幽栖浩劫重來路不迷彷彿憑闌吟
七字野航人遠鴈聲低

周櫟園侍郎昔示予名人畫冊有有介題云云予深愛之

甘泉宮長生瓦歌為門人林吉人

估賦

漢宮一百四十五

三輔黃圖漢畿千里內外宮館一百四十五所

橫絕南山包九峻

未央建章最廣麗渭北更

甘泉宮甘泉之山化

金碧千門萬戶交玲瓏通天臺高屹宮表下瞰雲

雨青濛濛武皇求仙跨滄海射魚牽犬東門東

始秦

皇紀立石東海上以為秦東門

孫卿已誅五利死飛廉桂館猶龍從上

陵磨劍勢一變雲陽煙草悲秋風甲帳珠簾盡黃

土何況片瓦埋荒叢林生侗好古極幽蹟短衣匹

馬空山中太乙壇邊弔鈎弋悲歌躑躅斜陽紅此

瓦出土事非偶長生古篆疑神工濯以清泉襲綈

錦攜歸嶺海光熊熊令弟繪圖亟示我使我懷古

心忡忡終南渭水舊遊歷漢家陵闕隨飛蓬豈知

一瓦供賞識遠與石鼓岐陽同兄視羽陽羽亦作械弟銅

雀纖兒慎勿加磨礪

題公凱學士寫真

翛然海鶴擬風姿千尺寒松晏坐時常憶摩訶池

上月清光相對細論詩

故蜀宮即王衍摩訶池壬子秋與學士同校士于此

新安畢喞谷熙以畫梅十幅題詩遠寄京師

感其意賦答

前戶部侍郎東郊先生子

昔我登蟠螭維舟虎山橋仙人萼綠華一笑相招
要十里梅花林玉雪寒蕭蕭身入眾香國天花競

飄搖回首四十載日夢漁洋椒何意黃山人新詩
慰無慘一幅花光梅疎影羅生綃寒花間的礫翠
羽聞啁嘲自言白沙嶺手種青山坳戴笠風雪裏
滿目英瓊瑤感此懷舊遊銅坑路迢迢寄語漸谿
隱他年希見招

題高江村詹事梓花圖二首

文梓青牛事已遐瀛山重見滿林花九成絳雪人
間少須問仙人蔡少霞
天半朱霞照赤城輕綃貌出可憐生一從寫入吳
都賦平仲君遷枉擅名

題冒君愛馬圖二首

辟驥之孫

懸雷山前碧水潯羣賢高會似山陰那知三十年
來夢又續幽州馬客吟
鑿蹄驕馬五花文赭汗蘭筋迴不羣金埒勞君勤
拂拭他年一戰立功勳

題門人曹希文

三才浮家汎宅卷

癸亭煙水望烏亭細雨斜風汎杳冥千古風流兩
漁父蘇蘭薪桂有樵青

答耦長惠畫時將歸宣城

流雲閣疎雨閉戶寫孱顏十幅江南意雙羊故國

山深情托毫素老筆失荆關畏說秋風起琴溪一
擢還

題禹鴻臚卜居圖

白沙翠竹淨娟娟屋角板曾屋後船除却圖書雞
犬外更無殘客與周旋

送同年杜肇余大宗伯子告南歸二首

御書
煙霞者

舊賜
以寵行

遺榮一疏謝金貂祖帳東門集百僚北斗星文兼
將相公先為
大司馬南宮地望迥雲霄直清譽重推三禮禁
近恩深荷兩朝最羨鱸鄉亭下泊蓴絲入饌雨

潞瀟

潞亭雲樹望中迷一片歸帆落日低心戀觚稜別
金馬夢回煙水聽潮雞五湖蝦菜身將隱九列功
名物久齊亦欲投簪東海去便從梅里問幽栖

庚辰七月廿六日雨中東便門外餞杜肇余

大宗伯南歸寄子文

時分司
大通橋

煙水忽空濛鳧鷗競凌亂雲帆集浦口疑是江南
岸零雨送歸人詎免盈襟歎故人何水曹雅詠富
篇翰高齋臨枉渚蕭晨起清盥琴書雜坐卧文史
互鈎尹又得青翰舟相將泝波瀾

高梁橋即目戲東門人陳子文奕戶部
清流十餘里時復愛鵝羣借問陳驚坐何如王右
軍

題門人查聲山昇花谿石漾圖

卜築傍龍山遠舍盡流水山重水掩處一徑桃花
裏竹邊麂眼籬松下烏皮几偶爾坐釣魚吾已忘
筌矣

為門人宗梅岑元題荔支圖庚戌舊作追錄

妃子宮中病齒時紅塵川使與星馳不堪重問華
清事又向丹青見一枝

悼亡詩哭張孺人十二首

落葉哀蟬斷送秋他生未卜此生休梧桐淚與芭
蕉雨并作西牕一夜愁

一夕金風起白蘋幾聲哀鴈助沾巾紅牕依舊明
明月不向羅幃鑿玉人

冰簟銀牀夜色幽涼生風露碧雲秋最憐目斷黃
姑渚無復金鈿乞巧樓

流螢幾點墮輕羅靈鵲傳聞此重過極望白榆空
歷歷張星依舊隔天河閏七夕

碧海青天欲見難月中誰伴女乘鸞可憐三五嬋

娟影只映方諸淚不乾

白頭重作蜀川行聽盡千山杜宇聲記得夢回金

雁驛酒醒中夜臉波橫

丙子使蜀兩宿漢州有詩紀夢

曼睩橫波一顧時素妝不屑浣胭脂成都畫手丹

青筆難寫天然却月眉

稱體天衣恰半銖不離丁緩博山鑪祇今桁上衣

猶在縹緲餘香尚有無

廿年往事憶前塵離合神光似洛濱自有宓妃留

不得那能憐取眼前人

車幾日返神霄青雀西飛竟寂寥千里鸞岡如

空留甲帳誤文簫

愁聞別鶴與孤鸞拂拭龍脣一再看江上峰青人

不見美彈今日是哀彈

見孟東野詩

暫離永訣怨俱盈嚴樂空教號筆精春水綠波春

草碧從今何處不關情

哭女婉四首

左家織素豈忘情玉女窺牕似隔生怙悵牕前一

堆雪梨花燕子又清明

冰魂玉骨絕纖塵緣盡依然返上真不共麻姑玩

清淺也隨南岳魏夫人

三鄉陌上望仙山有女乘雲去不還何處回車腸
欲斷空留玉几在人間

厭聞四姓說高門牽犬風流素業存捲却南宮舊

圖畫雲山忍見大姚村

宋元章居吳嫁女子
大姚村有大姚村圖

題觀海圖二首為慢亭弟

我聞海上三神山終古虛無縹緲間何人解作鮪
鯨引浩浩天風一霎還

丹崖翠壁高崔嵬下瞰萬里雲濤堆阜鄉玉鳥渺
何所笑把安期歸去來

題陳子文戴笠圖

平生恥作推轂歎戴笠行吟頗自如眼中不少乘
軒客相揖何勞更下車

題林吉人看雲圖送之歸閩二首

終南雲物入秋竒輞水淪連月上時絕景千秋誰
拾得丹青一幅右丞詩

秋光九曲望紛紛惟有清流和白雲一片征帆留
不得歸心先寄武夷君

送棲霞楚雲禪師歸南岳

孤雲無所住又欲返三湘白氎行秋色朱陵澹夕
陽蒼梧思帝子斑竹淚英皇已是空生者終然戀

故鄉

師湖南人

題門人朱翠庭從延載菊圖

結廬背城市遠徑幽蘭馥扁舟練川至復載東籬
菊月今有特書騷人蒙齒錄歲歲雪霜中為君媚
幽獨

送徐勝力閣學致政歸禾中

此別屆三秋清樽當七夕明河耿遙夜華燈照離
席學士挂銀魚去作扁舟客龜鳧千里青鷗羣五
湖白君家小長蘆鱸鄉望咫尺萼菜步兵思杞菊
天隨宅歸謝朱與彭予懷在三益竹垞檢討
羨門心宰

中丞紀年圖十首

綠橘黃橙未受霜楊梅先熟蔗為漿先生也似東

坡老夢遶吳山却月廊

坡詩夢遶吳山却月
廊楊梅蘆橘覺猶香

花時河渚鏡中游茗椀鑪熏列兩頭知有何人伴
幽獨四山香雪一孤舟

桐君山出白雲層雲外荒臺盡日登烏柏丹楓秋
色裏瓣香新酌古嚴陵

蒼苔林中宴坐温木樨香裏對忘言語言文字銷
除盡便是文殊不二門

憑將忠信涉波濤橫海樓船擁萬艘手拔鯨牙歸

幕府荔枝香裏解弓刀

翛然琴鶴出甌閩回首風濤百戰身荔子殷紅榕

葉碧江郎山下一歸人

耿耿銀河拂地流霜催黃菊雁橫秋橋南荀令銷

魂日纔聽言愁我欲愁

子悼亡甫一載故云

萬峰飛雪暗蠶叢拄杖過眉老衲同禪會圖中舊

相識三生還踏隗囂宮

名士軒頭六月時科頭長日對連漪行吟淶水紅

蓮裏身是風流庾杲之

御蓋遙臨越望前八神警蹕衛山川畫圖省識辛

壬蹟父老長傳已巳年

門人陸次公

輅

通判撫州半載挂冠重建玉

茗堂于故址落成大宴郡僚出吳兒演牡

丹亭劇二日解纜去自賦四詩紀事和寄

落花如夢草如茵弔古臨川正暮春玉茗又開風

景地丹青長憶綺羅人瞿塘迴棹三生石迦葉聞

箏累劫身酒罷江亭帆已遠歌聲猶遶畫梁塵

題門人朱悔人

載震

匡山三疊泉圖

當年信宿開先寺親見青天下白龍急峽雷霆雙

劍瀑危橋風雨萬株松目窮遠勢含滄海興盡探

高過別峰輸爾緣攀上三疊雁門僧伴一枝筇

開先瀑布

自雙劍峰飛下寺門橋畔有佛印松

題門人黃硯芝夢麟宮允黃山采芝圖

我愛黃中允蕭然冰雪容
栖遲依館閣懷抱入雲松
豐樂花時雨軒轅雪後峰
肉芝如可拾去去躡仙蹤

再題黃山采芝圖

三十六峰青不齊容成遺竈隔丹梯
迴絃一鼓商山操自抱孤琴去阮溪

送涓來大宗伯致政南歸卜居金陵五首

早抗歸田疏今朝竟賦歸臨池看鳳去
遵渚羨鴻飛白社還初服青山望袞衣
自慙留滯久惻惻寸心違

淡墨題名日紅顏各老蒼浮生空碌碌
壯歲去堂堂世外還丹訣林間選佛場
何因攜手去長嘯白雲鄉

寒山將拾得無著與天親浩劫聊乘願
孤峰欲卜鄰虎溪因不昧蓮社約重新
共理無生話誰為及第人

笛步初停棹樊川舊卜居誰云建業水
不及武昌

魚桑下曾何戀扁舟信所如太平無事日閑煞老

尚書

未用張文定方平語

家聲元太史

尊公翰林先生

令子已中丞蓮府推王儉龍門

重李膺歸裝但詩卷長物有行滕清獻高齋裏依然出定僧

題張小白

皓

舍人涉園圖二首

好事張公子名園顧辟疆竹陰通鶴柴瀑水激魚梁海近帆檣集雲深洞壑藏何如王給事白繪輞川莊

盤曲交珠箔廊迴映綺疏小山皆婉孌叢桂亦扶

疎綠樹聞歌鳥紅泉出媵魚黃門休沐暇曾此賦

閑居

題周燕客松風流水圖

周侯可逸尚寄意在焦桐山石何寥寥寂聽惟松風風水兩相薄激叱傳無窮昭文罷不鼓目送孤飛鴻至人會天籟不在絃指中如聞水仙操刺船將往從

題盧溝送別圖送周七燕客之揚州

二月都亭折柳條盧溝風雪正瀟瀟酒醒何處江樓笛已泊隋家廿四橋

春日懷樊川舊遊

當年曾到杜陵原石鼈春流遶寺門
直向桃花深處去午雞聲在夏侯村

花下

兀兀心空似老禪春陰又及養花天
顛毛白盡風情減猶泛朱提舊酒船

韓詩我有雙飲
蓋其銀得朱提

雪中梅花

南牕明月上光景紛竒絕移得羅浮花
初逢洛陽雪

二月初七夜即事賦得明月照積雪

積雪滿庭除流光復望舒月華生皎潔
雪意上清虛銀梳盛難見金波映有餘
提婆宗會否于此契真如

題汪玉輪狀元看劍圖

爛如列星下垂芒光如秋水翻濤江
赤堇山閉若耶涸君從何處逢干將
一麾三軍盡辟易晉鄭萬人頭畢白
世間兒女競恩讐肯使太阿輕一擲

韓詩李翱

紅線

漳水向東流銅臺露未收六城千里道
一葉五更

秋金谷銷兵氣紅顏赴國讐洛妃乘霧去空怨木蘭舟

聶隱娘

太華三峰隼高風九月秋雙丸輕將相一決判恩
讐身逐猿公去心為僕射留棧雲千萬疊何處問
刀州

過涿州憶魏闈進香事慨然作

段張朽骨已成塵媚子何心殺黨人賴是天心延
一紀未教失路小平津

新城南高橋訪崇寧廢寺

皓首重過此芒芒歲月跡荒涼青豆舍寂寞白牛
車梵唄聲皆冷祇林日又斜千年一彈指不必算
河沙

白溝河感宋張公叔夜而作

白溝河上黍離離誰記孤臣絕吭時最是中山高
宴日君王猶賦打毬詩

金帥以道君至中山請賦打毬詩云錦
毬駿馬曉朋分一點星馳百騎奔奪得
頭籌須正過休令綽撥
入斜門事見北盟會編

雄縣柳

易京樓畔柳婀娜尚餘春秀色分螺黛輕風漾麴
塵垂條綰游騎臨水拂行人若植忘憂館梁園賦

競新

歎老口號寄宋牧仲開府

尚書北闕霜侵鬢開府江南雪滿頭誰識朱顏兩
年少王揚州與宋黃州

過徐五東癡墓

秋晚東溪上
衰回欲去遲
蕭條白楊路
婉晚菊花時
已挂徐君劍
予刻先
生遺集
曾題有道碑
近為先
生題碣
未應防腹
痛老淚不禁垂

鏡檻小集

鏡檻臨明鏡
迴闌夕共凭
人歌秋白苧
池薦小青

莫負酒如澗
陵臺冰井有六
月冰見西征記
琴台千竿竹
寒生六月冰
好風起蘋末

清遠山居雜詠八首

褐錦穿村生
織織苞犀玉
春雷動地來
一夜成新

竹
玉版
書室

行過曲廊下
竹風生午涼
胡牀俯流水
萬柄白蓮

香
廊長

勞生大火聚
有此清淨退
心空及第時
跣趺入三

昧
清淨
退

愛此黃篋舫
置近清瑤流
海客忘機久
時下芙蓉

鷗鷺

亂石成略約磴道緣虛空下見龜魚樂田田蓮葉

東懸居

廊盡得層臺雜花香不歇生衣耐風露莫負清秋

月望舒臺

一勺憺不流亦復名罨畫春雨穀紋生演漾湘簾

下小卷畫谿

池上一拳石稍稍具巖洞茅山歸未歸已作松風

夢松風巖

題東園承茂堂後三巨石

薜荔為衣覆綠苔三峰負日各崔嵬何如甲乙奇
章石祇鬪玉杯金碗來

水月寺予少曾讀書其地明湖東北

漁舍遶精廬重過四紀餘青蘋紛在渚白鳥上階
除南浦豆花水西方蓮葉書半生流浪跡又到化

人居

讀文書天眼二絕句

崙摩彈琴時迦葉敗其道如彼毗藍風崑崙成腐
草

性愛親豪族如簧亦辯才是人經浩劫鸚鵡識中

來

答梅子翔淵公見懷四首

追錄庚申年作

畫遞詩筒未寂寥相思頻逐晚春潮應知今夜江南夢又過新林向板橋

宛上谿山畫不成諸梅才調擅縱橫怪來句帶澄江色家在南朝小謝城

紅白花開山雨時故人相憶水西湄半醒半醉遊三日耐可閑吟杜牧詩

詩翁愚並馬愛尋春梅子稿清吟日幾巡那得當


杯慰怙悵瞿矧東渚兩比鄰

子以貝來植廣州使院一夕而生意鬱然

題詩楣間以記歲月南海集逸詩追錄

貝葉無根插短籬一朝春雨發華滋他年誰續羊城志記取洋漁手種時

帶經堂集卷五十九



死生
...

二四

